



Broj: JN-1-01-16-4-22-9/17
Sarajevo 15. 09. 2017. godine

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH“, broj 32/02 i 102/09), člana 64. stav (1) tačka (b), člana 70. Stav (1), (3) i (6), člana 88. i člana 89. Zakona o javnim nabavkama („Službeni glasnik BiH“, broj 39/14), a u okviru realizacije Regionalnog programa stambenog zbrinjavanja a na Preporuku Komisije za javnu nabavku, broj: JN-1-01-16-4-22-7/17 od 25.08.2017. godine, u postupku javne nabavke usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa, donosi sljedeću:

O D L U K U
o izboru najpovoljnijeg ponuđača za javnu nabavku-
usluga eksterne revizije za verifikaciju troškova u okviru prvog BIH1 pod-projekta
Regionalnog stambenog programa

Član 1.

Najpovoljniji ponuđač za nabavku pružanja usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa, je MERFI d.o.o. Sarajevo, ponuda broj: 27/17 od 21.08.2017. godine, sa ponuđenom cijenom od 24.500,00 KM bez PDV-a.

Član 2.

Najpovoljnija ponuda ponuđača MERFI d.o.o. Sarajevo odabrana je u postupku javne nabavke provedene putem konkurentskog postupka koji je objavljen na portalu javnih nabavki pod brojem 679-7-2-24-3-22/17 od 08.08.2017. godine.

Ponuđač MERFI D.O.O. SARAJEVO je u sklopu ponude dostavio je sve potrebne dokaze tražene tenderskom dokumentacijom.

Član 3.

Ugovorni organ će, u skladu sa članom 98. Zakona o javnim nabavkama, dodjeliti ugovor ponuđaču za pružanje usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa.

Ugovor će se zaključiti sa izabranim ponuđačem na period od 1 (jedne) godine od datuma potpisivanja Ugovora.

Član 4.

Ova odluka objavit će se na web stranici Ministarstva (www.mhrr.gov.ba), istovremeno sa upućivanjem ponuđačima koji su sudjelovali u postupku javne nabavke, u skladu sa članom 70. stav (6) Zakona o javnim nabavkama.

Član 5.

Za izvršenje ove odluke se ovlašćuje i zadužuje Sektor za opšte, pravne i finansijsko-materijalne poslove Ministarstva za ljudska prava i izbjeglice BiH.

Član 6.

Ova odluka stupa na snagu danom donošenja.

O b r a z l o ž e n j e

Javna nabavka pružanja usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa u okviru Regionalnog stambenog projekta, evidentirana pod brojem JN-1-01-16-4-22-2/17 od 08.08.2017. godine, provedena je putem konkurentskog postupka, objavljenog na Portalu javnih nabavki broj: 679-7-2-24-3-22/17 od 08.08.2017. godine.

Javno otvaranje ponuda izvršeno je dana 24.08.2017. godine u 13⁰⁰ časova u prostorijama Ministarstva za ljudska prava i izbjeglice BiH.

Postupak predmetne javne nabavke provela je Komisija za provođenje postupka javne nabavke usluga usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa, imenovana Odlukom broj: 01-41-6-1081-4/17 dana 05.06.2017. godine.

Komisija za javnu nabavku dostavila je ugovornom organu (ministrici za ljudska prava i izbjeglice BiH) Zapisnik o pregledu i ocjeni ponuda broj: JN-1-01-16-4-22-6/17 od 25.08.2017. godine, Preporuku o izboru najpovoljnijeg ponuđača broj: JN-1-01-16-4-22-7/17 od 25.08.2017. godine i Izvještaj o radu broj: JN-1-01-16-4-22-8/17 od 25.08.2017. godine u postupku javne usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa.

U postupku po Izvještaju o radu utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno tri (3) ponude;
- da je blagovremeno primljeno tri (3) ponude;
- da nije bilo neblagovremeno primljenih ponuda;
- da su ponude ponuđača Merfi d.o.o. Sarajevo i Deloitte d.o.o Sarajevo, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način.
- da se ponuda ponuđača Ernst & Young d.o.o. Sarajevo, odbacuje na osnovu člana 68. stav (1) i stav (4) pod i) Zakona o javnim nabavkama („Službeni glasnik BiH“, broj 39/14),

Razlog za odbacivanje ponude je što ponuđač radi dokazivanja uslova iz člana 48. i 50. Zakona o javnim nabavkama („Službeni glasnik BiH“, broj 39/14), nije ispunio uslove kako slijedi:

U TD pod tačkom 7.4.1 Tehnička i profesionalna sposobnost, traženo je, citiramo:

„Da je ponuđač u prethodne 3 godine (računajući period do datuma objavljivanja Obavještenja o nabavci), uspješno izvršio najmanje 2 ugovora čiji su karakter i kompleksnost isti ili slični onima koji se odnose na predmet javne nabavke ukupne vrijednosti ugovora od minimalno 40.000,00 KM.“*

Tačkom 7.4.2 podtačka a) navedeno je da će se ocjena tehničke i profesionalne sposobnosti ponuđača vršiti na osnovu spiska izvršenih ugovora (Prilog 6a) uz potvrdu o njihovoj realizaciji koju daje druga ugovorna strana.

Ponuđač je u svojoj ponudi dostavio spisak izvršenih ugovora, ovjeren od strane ponuđača (Prilog 6a Tenderske dokumentacije) a kao dokaz o uspješnoj realizaciji ugovora sa navedenog spiska ponuđač je dostavio Izjavu o uredno izvršenim ugovorima – ovjerenu od strane ponuđača i dva dopisa ponuđača za druge ugovorne organe-Opština Šipovo i Norveška narodna pomoć.

Uz dopise u ponudi nisu priloženi dokazi da su isti upućeni (poštom, faks, e-mali ili slično) to jest da je urađen pokušaj da ponuđač dobije potvrde drugih ugovornih strana.

Kostatovano je da ponuđač nije dokazao da je dopise i poslao, i nije dokazao ni pokušaje pribavljanja potvrda, i iz datih razloga ne može da uvaži dopise kao dokaze. Ponuđač dostavljenom dokumentacijom nije dokazao urednost izvršenja ugovora, niti je izdavalac priloženih dokumenata druga ugovorna strana (investitor) kako je to jasno specifikovano Tenderskom dokumentacijom. Obzirom da priloženi dokumenti ne potvrđuju urednost izvršenja ugovora i ne mogu se ocijeniti kao dovoljan dokaz, konstatuje se da nije dostavljena niti jedna potvrda o urednom izvršenju ugovora za pretodne tri godine.

U TD pod tačkom 7.4.1 Tehnička i profesionalna sposobnost, traženo je, citiramo:

„Da Ponuđač ima u radnom odnosu ili na raspolaganju minimalno 4 (četiri) ovlaštena revizora koji ispunjavaju sljedeće uslove :

- Vođa tima da ima: 10 godina iskustva na pružanju usluga eksterne revizije po međunarodnim standardima na poziciji voditelja revizije, univerzitetsku diplomu i važeću licencu za revizora
- Ostala tri člana stručnog revizorskog tima da imaju 5 godina iskustva na pružanju usluga usluge eksterne revizije po međunarodnim standardima, univerzitetsku diplomu i važeću licencu za revizora“

Tačkom 7.4.2 podtačka b) navedeno je da će se ocjena tehničke i profesionalne sposobnosti ponuđača vršiti na osnovu sljedećih, traženih dokaza:

- Izvod iz PIO/MIO/Nadležne poreske uprave (izdate u 2017. godini), iz kojeg se vidi da ima uposleno ili na raspolaganju - ugovor o djelu ili drugi važeći dokument, kojim potvrđuje navedeno (ovjerene kopije;
- Prilog 6b - spisak stručnog tima za reviziju i biografija za svakog člana tima;
- Ovjerene kopije univerzitetske diplome i važeće licence za svakog traženog člana tima iz tačke 7.4 b).

Ponuđač je u dostavljenom prilogu 6b - Stručni i revizorski tim - naveo sedam članova tima od kojih, pored vođe tima, samo dva revizora, od tražena tri, ispunjavanju kriterije zahtijevane u tenderskoj dokumentaciji (minimalno 5 godina iskustva na predloženom položaju).

Konstatuje se da dostavljeni popis (prilog 6b) stručnog i revizorskog time ne ispunjava kriterije iz tačke 7.4.1. pod b tenderske dokumentacije.

Nadalje, u Tenderskoj dokumentaciji Prilog 6b - biografski podaci pod Napomenom navedeno je, citiramo „Dokazi o kvalificiranosti članova tima moraju biti navedeni i u biografijama (CV) i potvrđeni potpisom datog člana. Uz svaki CV priložiti diplomu i važeću licencu“.

Uvidom u pojedinačne biografije konstatuje se da iste nisu potpisane, a kao je traženo u tenderskoj dokumentaciji.

Slijedom naprijed navedenog, utvrđuje se da navedeni ponuđač ne ispunjava uslove tražene Tenderskom dokumentacijom, pa se u skladu sa odredbama člana 68. stav 1 i stav 4 (i) Zakona o javnim nabavkama ("Službeni glasnik BiH" broj 39/14) ponuda ovog ponuđača odbacuje.

Na osnovu navedenog, ugovor za nabavku pružanja usluga eksterne revizije za verifikaciju troškova u okviru prvog BIH1 pod-projekta Regionalnog stambenog programa dodjeljuje se MERFI d.o.o. Sarajevo, ponuda broj: 27/17 od 21.08.2017. godine, za ponuđenu cijenu 24.500,00 KM. (bez PDV-a).

Imajući u vidu naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema iste. Žalba se izjavljuje Kancelariji za razmatranje žalbi, putem ugovornog organa, u pisanoj formi direktno ili preporučenom poštanskom pošiljkom na adresu ugovornog organa, u dovoljnom broju primjeraka koji ne može biti manji od tri.

Dostavljeno:

- Svim učesnicima u postupku
- Sektor za opšte pravne i finansijsko-materijalne poslove
- a/a

